

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 37		Ramhlun North: Ni 13 September, 2025	
BRANCH THU THAR ■ YMA Inkhawmpui Lian thlengtu tanpui nan Rs 5,000 a thlengtu branch pek ni se tih a ni a. Inkhawmpui Lian a kan branch atanga kal turte September thla chhungin Secretary te hnenah inhriattir tur a ni. ■ Two-Wheeler Survey Central YMA-in min ngen angin veng chhunga chhungkua two-wheeler leh LMV pakhat aia tam nei te survey neih tur a ni dawn a, Section hruiatuten mahni huamchhung a mi tun thla chhungin survey an rawn nei dawn a ni. ■ District AIDS Prevention & Control Committee, Aizawl District atanga ruihhlo leh HIV/AIDS do chungchanga inkawmkhawmna hun Branch Executive Committee leh Kumpuan Sub Committee Member te nena neih ho an duhthu an rawn thlen chu rem tih a ni a. October ni 3 zan dar 7:00-ah, Chawngbawlna Rûn-ah neih tur a ni ang. ■ Thlanmual Sub Committee-in thlan 50 duanna leh thlan chung khuh nana Rs 4,80,000 an dil chu rem tih a ni a, thlanmual samfai hnatlang neih an rawt angin October ni 2-ah member pum huap hnatlang nei tur a ni ang. ■ YMA Inkhawmpui lian sum tuak nan Sakawrdai YMA chuan T-Shirt a siam a, tlawmngaia leisak duh chuan Pu Thandingliana, Fin. Secy. (Ph: 8014333072) hnenah leittheihin a awm e. ■ Ni 16.09.2025-a Branch, Section leh Sub-Committee member intuaithar neih tum chu a hmun remchan loh avangin thulh a ni.		CENTRAL COORDINATION COMMITTEE VAWI 103-NA (YMA Khawmpui Lian chungchang rel) Ramhlun North, the 13th September, 2025: Ni 10.09.2025(Nilaini) khan YMA rorelna sang ber dawttu, YMA Central Coordination Committee (CCC) vawi 103-na chu Central YMA Hall-ah neih a ni a, Pu Lalhmachhuana, President in a kaihruai. October 21-23,, 2025-a YMA Inkhawmpui Lian neih tura Agenda lut hrang hrangte thlitfim a ni a, hengte hi Agenda atan chhawpchuah tura rel a ni. YMA Khawih: 1. YMA inkaihhraina leh nihphung leh hruiatute mawhphurhna rampumah inzirtima neih ni rawh se. 2. Mizoram chhunga hnamdang sumdawng, phalna nei lo tam ta lutuk hi titem turin YMA-in hma la rawh se. 3. Mizo hmeichhia ten hnamdang pasal an neih zel loh nan Central YMA hian inzirtirna nasa zawkin kalpui rawh se. 4. Mizo Infiamna te chawisan a nih theih nan CYMA in hma la rawh se. 5. Zohnahtlak chi peng hrang hrangte Mizoram a chengte zingah chi bil hmalakna a awm tawh loh nan Central YMA in hma la rawh se Sawrkar Khawih: 1. Inner Line Permit (ILP) hi tun aia khauh leh awmze nei zawka kalpui a nih theih nan YMA-in Sawrkar-ah thlen rawh se 2. Tui hnar humhalh dan siam ni rawh se. (The Mizoram Water Source Catchment Area Protection Act & Rules) 3. Mizoram chhunga inkalpawhna kawngpui hrang hrang a chhiat avanga mipuiten harsatna kan tawk nasa lutuk thin hi a lo ziaawm theihnan Mizoram Sawrkarin tun aia chak zawkin hma la rawh se. Kumpuan rawtna: 1. Ruihhlo Do 2. Ram leh hnam humhalh Central YMA Budget (2025-2026) ruahmanna pawh Inkhawmpuia pharh tura pawm a ni. He hunah hian Tuisual Group atangin Sakawrdai Inkhawmpui Lian neih tur inbuatsaihna ngaihtlak a ni a. FCAA chungchanga YMA dinna inhrihfhia a ni bawk. Branch YMA hrang hrang ten an huamchhunga member leh chhungkua chhinchhiahna Village Profile chungchang inhrihfhiahna hun hman a ni bawk. CCC meeting ah hian Aizawl City Branch aiawh, Group leh Sub- Hqrs aiawh bakah Central YMA hruiatu mi 240 an kal.			
SECTION THU THAR ■ Neuva Section: NI. Lalnunpuii chu Section committee member thar atan ruat a ni. ■ Library Duty turte Ni 20.09.2025 1. Tv. PC.Malsawmzuala 2. Tv. Samuel Vanlalnghaka 3. NI. Lalrindiki 4. NI. Lalfelfamkimi 5. NI. R.D.Vanlalmangaihzei 6. NI. Lalnunpuii Hmar 7. NI. Ruth Biakchungnungi		PPP MODE BAWLHHLAWH PAIH MAN KHAWN A NI DAWN PPP Mode Sanitation Committee ruahman angin October 2025 - September 2026 inkar bawlhhlawh paih man veng chhungah khawn a ni dawn a, hetiang hi khawn dan tur a ni: 1. Chhungkaw nawlpui - Rs 800 2. Chhungkaw khawsak ziaawm - Rs 1,200 3. Dawr t�, thlai leh thei zuar, hawkers - Rs 1,000 4. School, Hostel, Office, Biak In, Dawr lian, Motor Workshop - Rs 3,000 Chhungkaw nawlpui thawh tur Rs 800 thawhte hian thla khatah Rs 66.6 an thawh dawn a, ni khatah Rs 2.1 bawlhhlawh paihna a tan kan seng tihna a ni. Chhungkaw khawsak ziaawm thawh tur Rs 1,200 thawhte hian thlakhatah Rs 100 an thawh dawn a, ni khatah Rs 3.2 bawlhhlawh paihna a tan kan seng tihna a ni. Veng dang atanga Ramhlun North huam chhunga Dawr rawn nei zawng zawngte pawhin bawlhhlawh paih man hi thawh vek tur a ni a, kawng sira thlai leh thei zuar, hawkers-te pawhin bawlhhlawh paih man hi thawh vek tur a ni. Bawlhhlawh paih motor-ah chauh bawlhhlawh paih tur a nih avangin bawlhhlawh paih man hi chhungtinin kan thawh ngei ngei a ngai a, bawlhhlawh nei lo chhungkua kan awm loh avangin kan paih ve ngai lo tih vanga bawlhhlawh paih man hi awl theih a ni lo a ni. Thlathar (October) thla chhung hian Section hruiatuten an mahni Section huam chhung theuhah bawlhhlawh paih man hi an rawn khawn dawn a, chhungtinte lo inruahman lawk tur leh thahnemngai taka lo thawh theuh turin PPP Mode Sanitation Committee chuan min ngen a ni.			



FAINA LEH KHAUWTLANG NUN

Mihringte hi chengho tura duan kan ni a, tumai pawh hi inmamawh tawn vek kan ni. Mimal angin eng emaw chen chu nung thei mah ila, engtik niah emaw chuan kan thenawm khawvengte hi mamawh hun kan nei leh nge nge thin.

Inpawhna tha leh in tanpui tawn thin kawtlang nun kan siam avang hian Mizo nun hi a nuam zual a, hei hian kawng tam takah kan hriat miah loh lai hian himna mai bakah hlimna min pe a ni. Cheng ho leh nung ho kan nih erawh chuan tih tur tam tak; dan in a phut vang ni kher lova, kan kawtlang thatna tura kan thawh ve a ngai a, chung zinga pawimawh tak pakhat chu faina kawnga hmalak hi a ni. Khawtlang fai hian nun a tih nawm mai piaah lamah hriselna tha zawk min thlen a ni tih hi theihngih loh a tha ang e.

Khawvel inthlak leh danglam zelah mimal leh chhungkuaw pawhin hnawm hnawk kan ngah chho telh telh a, hengte hi a paihna tur dik taka kan paih loh rah hi keimahni chauh nilo kan tu leh faten an la tuar thei a ni tih hria in kan bawlhhlawh paihna kan fimkhur zual a ngai hle mai. Tui luankawr a bawlhhlawh kan han paih mai te, kan in leh lo sakna bungraw chhia kan han paih mai te hian kan ram leilung mai bakah kan tui lakna hnar thlengin a nghawng a ni tih hre ila a duhawm hle.

Tlang rama cheng kan nih angin kan hnawmhnawk hi a mawng lamah a luang thla a, chu chuan kan lui tui a tibawlhhlawh a, kan mamawh ang tawh tui kan hmuh loh phah fo thin. Tui connection kan ei fur a, mah se tui rawn haw khat leh kan dawn tlem chhan te hi kan ngaihtuah ngai em? Tui thlitfim hleih theihloh khawpin a nu a, kan leivung mai bakah bawlhhlawh a hmun lova kan paih mai mai vang a ni ber. Kan bawlhhlawhte kan paihna turin ruahhmanna tha tak siam a ni a, motor-a khawn thin a ni. Kan khawltang alo thianghlim a, faina kawnga hma kan sawn zel theih nan bawlhhlawh paih kawngah i fimkhur thar teh ang u.



NAUNUARZO TLÂNG

He tlâng hi tlâng biru pawh kan ti thei awm e. Tlâng sang tak ni si, Mizoram tlâng sang tarlan zinga lang leh mang si lo a ni a. Chutih lai chuan Mizoram tlâng sang ber te zinga mi a ni lawi si.

He tlâng hi Ngopa chhak lam, Myanmar l e h Manipur lam depa awm a ni a. Mizoram tlâng sang zingah sawi tlang than ni lo mah sela, tlâng sang pawl tak a ni. S i a l k a l tlâng dung, tlang sang zinga pathumna a ni. A bul hnai khaw langsar zual deuhte chu - Kawlbem, Selam leh Lamzawl te an ni.

Naunuarzo tih hming a put chhan hi, hman laiin he tlâng kham chawi vèlah hian ramhuai an tam em em a. Ramhuai ho chuan nau an zuar thin a, ramhuai ho nau zuar lo hria te chuan, 'Ramhuai hovin nau an zuar e, he tlâng hi, 'Nauzuarzo' a ni e,' an ti a. Nauzuarzo an ti ta a. Nauzuarzo an tih chu, hun a kal zel a, 'zuar' tih chu 'Nuar' tiin an thlak a, Naunuarzo an ti ta a ni.

A san zawng hi Sialkal tlâng dunga tlâng sang zingah pathumna a ni a. 1971 metre (Ft.6021 vel) a sang nia hriat a ni. Tlâng sang tak a ni chungin ngâw chhah takin a bawm a ni a, Mizoram tlâng sang dangte angin khaw thlir a nuam tehchiam lo.

A tlâng pianhmang leh nihphung hi tlâng dung sei tak, chhim leh hmar zawnga inkham ruah mai, Sialkal tlâng dunga tlâng sang bik a ni a. Chhuah lam ram chu a ram a pharh tha a, buh leh bal that duhna hmun a ni. Tlâk lam erawh chu kham rang ruai mai a ni thung.

He tlânga sik leh sa awm danah hian a tlâng dung hi Mizoram tlâng dung langsar zingah chuan boruak nuam berte zinga mi a ni a. Thlasik laiin vur tla thin a, nipui laiin



a lum hrehawm lutuk ngai lo.

He tlâng ram leilung hi kan sawi tawh ang khan Sialkal tlâng dunga awm a ni a, he tlâng dung hi ram tha leh thing leh mau that duhna hmun a ni a, a ram a chang tha a, buh leh bal that duhna ram a ni.

A ram a tha a, thing leh mau te pawh hmun dang zawng aiin an lian duh bik emaw tih mai tur a ni. Ngâw hmun chhah tha tak main a bawm reng a. A bul vela chengte chu Mautam tam harsa hnuaiah pawh an tam ve ngai lo. Chutiang khawpa ram tha, thing leh mau thatna hmun chu a ni.

Mizoram tlâng sang zingah chuan hruihnang tamna pawl tak a ni. A tlâng kâwr rûam leh bul thut kham chawi velah hruihnang chi hrang hrang a tam em em thin.

Naunuarzo Tlâng leh a chhehvel ah hian eng lai pawhin ramsa an tam em em reng a. Tûn hma phei chuan ramsial leh sele te awm duhna hmuna ngaih a ni thin. A kham chawi velah hian sathar leh saza te eng lai pawhin an tam em em thin. Khamkhuai hmunpui a ni a, Khamkhuai bu chheh a so lek luk thin a ni.

Thing leh mau a tha a, sava rah tlan a tam em em reng bawh. Hengte avâng hian eng lai pawhin sava chi hrang hrang hmuh tur an awm reng thin.

He tlâng dúngah hian tlâng Lal thiltithe tak, Sialkhalha a awm thin a. Thu a nei em em a, a ram nawm vangte pawh hi a niang, ramhuai an tam hle niin an sawi thin. Ramhuai ho chuan ramsialte hi an khalh a, pasaltha te'n lo hmu in kah tum sela, an phal lova. An kap pha dawn tep tawh tihah te hian, lung pûk kâr leh khan engemaw ah an khalh bo leh mai thin. He tlâng huai Lalpa thu lo chuan henglai rama ramsate hi kah theih an ni thin lo.

He tlâng hian a hranpa takin hmingthanna a nei lo va. Amah erawh chu, a awmna tlâng dung hmingthanna erawh a pu zo hle. Ramsate vangkhawpui a nihna hi a hming thanna pakhat a ni.

MARYMA	PHEK 3-NA	RN YMA CHANCHINBU
ZIN & HAW ■ Dr. Vanlalhlana, bialtu MLA, T-Sec. leh Pu Lalfakzuala, ECM te hna thila Lunglei a zin chu a lo haw leh ta. ■ Pi C. Lalhhandami, Corporator, AMC C-Sec. chu Kolkata-ah a zin chu a lo haw leh ta. ■ Tv. Lalnunmawia s/o R. Lalrinmawia, V-Sec. chu Mizoram Architects Forum aiawh in BAIC Seminar hmang turin Guwahati-ah a zin. ■ Pu Zothanenga te chhungkua, V-Sec. chu an hna thawhna hmun Australia lamah an kal leh ta. ■ Tv. Lahlimpuia s/o Biaklawma, V-Sec. chu a hna thawhna hmun Kolasib atangin a lo haw. ■ Dr. C. Lalrammawia, T-Sec. chu hna pawimawhah Dampa lamah a zin. ■ Dr. Lalmuchhuak leh Pu Lalthanzama te pafa, K-Sec. chhungkaw thila Chhipphira zin chu an lo haw leh ta. ■ Pu Malsawmthara, K-Sec. Kolkata lama inentira kal chu a lo haw leh ta ■ Pu Lalbiakthanga te chhungkua, T-Sec. an naute inneih hmanga lo haw chu an thawhna hmun lamah an kal leh ta. ■ Pu Vanlalnunpuia, C-Sec chu a hna thawhna hmun Bungtlang South-ah a kal leh ta. ■ Pu C. Rodinglana te nupa, K-Sec. chu chhiattawh thilah Lungsumah an zin ■ Pu David Ellapen, V-Sec. chu in entir turin Kolkota-ah an zin. ■ Pi C. Lalthangliani w/o Biakdawla Tlau (L), K-Sec.chu Bungtlang South-ah hna thawk a awm chu chawlh hmangin a lo haw. ■ Pu Haulianthanga, V-Sec. chu New Delhi-ah Convention hmang turin a zin. ■ Pu C. Lalremruata c/o Pu Lalrina Sailo (L), C-Sec. Kolkata-a khel ruh tliak avanga zai chu in lama inenkawl turin an lo haw leh ta. LOCAL COUNCIL ■ Vengchhung mipuite mahni compound theuh vawngfai lehzual turin kan inchah a, Aizawl khawchhungah kan veng hi Dengue vei tam ber kan ni vangin mahni in bulah thosi pian theihna tur tui tling a awm loh nan chhungtin te tan la turin kan inngen in kan inchah a ni.	LEI PIAH LAMAH  Lalnundanga, K-37 b/o Lalrinzuali, K-Sec. chu ni 8.9.2025 dar 10:30 AM khan a boral a, hemi ni vek tlai dar 5:00 ah Ramhlun North Thlanmual, Zemabawkah vuiliam a ni. Lusun khawhar chhungte thlamuantu Pathianin vengin awmpui mawlh rawh se. DAMLO ■ Pu PB Lalramthanga, T-Sec. chu Greenwood Hospital-ah enkawl mek a ni. ■ Dr. Connie Zomuani d/o H. Doruma (L), V-Sec. chu Civil Hospital, Aizawl ICU ah enkawl mek a ni. ■ Pi Laltpanpuii w/o H. Doruma (L), V-Sec. chu natna hrang hrang avangin Civil Hospital, Aizawl ah enkawl mek a ni. ■ Lalmuanpuii d/o Lalthansanga (L), V-Sec. chu ZMC&H ah a rilphir zai a ni. ■ Tv Lalvenhima b/o Tv R.Lalromawia, K-Sec. chu Nazareth Hospital-ah enkawl mek a ni. ■ Pu Chalhmingthanga,C-Sec. Civil Hospital, Aizawl a awm chu in lam a enkawl chhonzawm turin a lo chhuak. ■ Pi Lalliani w/o R. Vanlalkunga (L), S-Sec. chu Greenwood Hospital ICU-ah enkawl mek a ni. ■ Tv. Jeffrey C. Lalawmpuia s/o C. Lalmangaiha, C-Sec. Civil Hospital, Aizawl ah enkawl mek a ni. ■ Pu Lalsawmzuala, V-Sec. taksa chak lohna hrang hrang avangin in lamah enkawl mek a ni. ■ Pu PB Lalramthanga s/o Pu PB Liandula, T-Sec. chu Greendwood Hospital atangin alo chhuak leh ta. ■ Mary Grata Lallawmzuali d/o Pu Francis Vanlalzuala, C-Sec. chu zungkawng hnai awm vangin LRM Hospital ah enkawl mek a ni. KOHRAN ■ Presbyterian Kohhran: Naktuk ni 14.09.2025 hian Ramhlun North Presbyterian Kohhran chuan Primary Department Naupang Inkhawmpui an thleng dawn a, Ramhlun East Kohhranin Junior Department inkhawmpui an thleng thung ang. ■ BCM: Naktuk ni 14.09.2025 Social Concern hmalaknain Nu leh Pa ten fate enkawl dan Seminar an nei dawn a, Resource person atan Rev. Dr. Rodinmawia, Principal, AICS a ni ang.	CENTRAL YMA THU ■ PWD leh YMA thawhhona thuthlung sawiho Ni 11.09.2025(Ningani) chawhma dar 10:30 ah khan Central YMA Hall ah PWD leh YMA ten Mizorama kawngpui tha kan neih theihna tura thawhhona thuthlung an ziah chungchang sawihona hun hman a ni a. Pu H. Zoramliana, E-in- C, PWD leh Pu Lalmachhuana, President, Central YMA ten an kaihruai. Pu H. Zoramliana, Engineer- in- Chief, PWD in thusawiin Mizoram chhunga inkalpawhna kawngpui tha kan neih theihna tura PWD leh YMA thawhhona a tha a, PWD in kawngpui enkawl an ngah thu leh sum indaihlohna avanga duhthusama enkawl theih a nih loh thu te, YMA te tawiawmna leh thawhpuiina an mamawh thu a sawi. MOU ziah avanga hmun tam takah hmasawmna leh kawngpui siam kawnga awlsamna an hmuh thu a sawi. Pu Lalmachhuana, President, Central YMA pawhin thusawiin YMA ten kawngpui siam te pawngpaw sawisel mai lova MoU ziah anih avanga tawiawm tur leh thawhpui tur kan nih dan te, sawisel tul a nih chuan huai taka sawisel a tul thu leh en pui zel turin YMA hruiatu kalkhawm te a chah a. PWD nena thawhhonaah theitawp chhuah a kawngpui tha kan neih theihna tura hma la turin a chah bawk. He hunah hian Sub- Hqrs YMA, Group YMA leh Branch aiawh te an kalkhawm a. Zawhna leh chhanna hun hman a ni a, Zoram hmun hrang hranga kawngpui siam chungchanga harsatna leh kawngpui chhia chungchangte sawiho leh inhrilhfiahna hun hman a ni bawk. YMA leh PWD te hian kum 2018 atang khan thawhhona thuthlung an lo ziak tawh a, kum 2022 ah ziah thar leh a ni a, tunhnai August ni 8,2025 khan kum 3 chhung atan MoU hi ziah thar leh a ni. He hunah hian PWD atangin E-in- C leh a thawhpui CE, SE, EE te an tel a, YMA lam atangin Central YMA OB, CEC, Sub- Hqrs aiawh, Group YMA aiawh leh City Branch aiawh te an tel. THILDANG ■ Insawn: 1. Tv. PC Lalmuansnaga s/o PC Lalrinmawia, V-Sec. chu a hna thawhna hmun Kolasib atangin Aizawlah sawn a ni. ■ Ruangchhuak: 1. Kawlsiami, K-70 chu ni 11.9.2025 dar 1:30 Am khan ZMC&H ah a boral a, a ruang hi Pu Vanlalrina, C-Sec. te inah chawlhpuai anih hnuah an khua Khawkawn panpui a ni. 2. C. Thanchungnungi, K-75 chu ni 11.9.2025 dar 2:50 PM khan a boral a, a ruang hi Pu C. Laltnamawia, C-Sec. te inah chawlhpuai anih hnuah an khua Bilkhawthlir panpui a ni. PAWL DANG ■ RNFC te chuan 1st Div. khelk mek a jersey chu engah te hi lei theihin a awm ta. 1. TMB LOJA 2. Martin Collection 3. 3 sons Electricals 4. Pu Lalhnehliana In 5. Ethan GO-Mobile

 **ARTICLE**

Khuarei An Chang Zo Ta

-Pa Zaia

Zoram thingtlang khaw pangngai deuh chinah chuan, thingpui dawr pahnih khat tal chu a awm ngei thin. Chu thingpui kawngka lu chungah chuan rangva phek a intar a, chutah chuan a ziah man pawh la lem lova vengchhak U Rama kutchhuak "Zovi Tea Stall" tih emaw nalh vak lova inziak i hmu ang.

Kawngka pui bakah chuan lamliau epah tukverh angreng, a kawngkhar chung lama theh hawna chhoh kap chi a inhawng a, chuta tang chuan a chhung a lang thei vek lehngal a. Dawhkan sei hnum tak pali vel a inhung a, a chanve chunglam darthlalang nei Almirah chhuarah chuan chhang chi hrang hrang, chhangpuar te, Nimki te, Long chhang han en mai pawha thlum hmeh hlah hlah mai te leh Mizo chhangban kan, sen thep thawpa kan te chu Mizo thleng darin an lo chhawp baw a.

Tin, Artui chhum itawm taka inrem vum thar mai te i hmu baw a. Chung bak chu chu thingpui dawrah chuan beisei tur a awm hran lova, a bak Chana kan a ni leh mai. A nghaktu nu chu nuthlawi fa pakhat emaw nei tawh ni awm tak a ni a, a intuai fai fu a, nui hawr hawr chungin rial nova thingpui chu thirfian tein baw miah lovin a chawh rawk rawk ang a, chutih pah chuan a chhang kan chu a va let leh zawk thin ang.

Chu dawrah chuan tlangnel takin i lut a nga, thutthleng tlang tak, a mawi tur lam aia a tlo tur lam ngaihtuaha siamah chuan lungmuang takin thu ang che. Hetah hi chuan mawi hawih leh changkan tum a ngai ve lova, pawn langa inzah der leh phuahchawp chibai inbuk vel kha a ngai ve lova, mahni vei zawng zawng Koro lu par rika rikpui hlut pawh a leng vek a ni. Milian thingpui no bik a awm lova, mihausa eitur hran an siam hek lo. Hetah chuan michhe ber nen pawh i thutna ruh lam a thuhmun reng a, tumah beisei sang takin an lut ngai lova, beisei mah se, a awm chuang hek lo. Beidawngin tumah an chhuak ngai lova, vohbik dawhkan leh pindan chhungril chang pha bik tumah an awm hek lo. He hmun zet hi chu mi leh sa intluk tlanna, chi tin hnam tin inhrutualna hmun, hmun duhawm tak chu a ni a, hmun ngainatawm chu a ni Chiang a lawm.

Dawr nghaktu nu chuan khual chhawn dan khawiah mah a hranin a zir lova, chutiang inzirtirna mawi hmang inkawhbmuhna lehkhau a awm tih pawh a hre lo. Engtiang pawn fiamin chhawhchah la, ngaihhuat a hnekin a rul tawh lekin a chhawn zel thiam ang che. Nitina a tawn than a ni miauva, a hriat zawng chu thingpui leh chhang siam dan a ni mai a, a siam thiam ang anga a siam chu a chhawp mai che a ni. Nui chungin khawih lam nge i pan dawn a zawt che'nga, i chhanna pawh a lungkham zui hlei lovang. "Awi, ka pu chu ka hmuh hnu i ang e.." te kha a ti hluai ang che'nga, nang lah i tlangnel phah sawt ang. Mizo thingtlang thingpui dawrah chuan.

He Mizo thingpui dawr teh ngei hian Mizo mize dik tak ka hmu tlat a, a nghaktu nu kha zahawm tak siin a intinelawm thiam a. Tunlai khawpui restaurant intichangkang tak tak, ei tur han lam a piang a, darkar khat dawn dawn kan ngah ngai thin ang kha a ni ve lova. A customer khati tak maia a ngaihsak thiam kha hotel changkang tak taka thawk te ai chuan ka ngaisang fe zawk mai. Engkim mai rang taka peih a ni zel mai kha a nuam ve tlat a ni. A nghaktu nu khan hna thawk a ruai hranpa lova, amah kha engkima engkim a ni mai a ni. Chapo hmeh reng reng a lang hauh lova, dik tak chuan a dawra ei tur awm ang ang kha lei vek dawn ta ila, Rs 400/500 man bak a ni kher lovang, mahse, a thil neih chhunte sit miah lova phur taka a che sauh sauh mai kha a fakawm a ni. Tlaiah a tuka a hralh tur, zan lama siam tura Maida kg 3 vel a khai hawn khan a lungawi em em a, phur takin a che sauh sauh thei reng te kha a fakawmin a nun a hlim reng a. 'Khatiang taka mahni chan tawka lungawi a, mahni hnaa rinawm leh inpe zo nun kha a mawin a van hmuhhawm thin tak' ti chunga lehhawih zauh zauh pahin chu 'Mizo Thingtlang thingpui dawr' chu ka thliar liam ta a.

 **ADVERTISEMENT**

KC TUI

(10-8)

Tui thiangleim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.
Ph: 7005010327 / 9774223462

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.
Rate: Inbiakremna **Ph: 8119969364** (10-6)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.
Rate inbiak remna. Registration: MRS 542
Contact: 9862476439 / 9436199884 (10-6)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e
Contact - 9862344971 Bawngkawn South (20-16)

L.H SEPTIC TANK SERVICE

Septic tank paihfai leh repairing engkim kan thawk thei e. Kum 17 chuang experience nei kan ni e.
Rate:4500 per trip
Ph.6909183193 (30-15)

SEPTIC TANK KHAT & REPAIR

Septic tank khat paih leh repair kan ti thei reng a, rate chu inbiakremna a ni ang. (5-3)
Contact: 6033373188/9612376373 | C/o Marina: 9436140350

COMPUTER CLASS FREE ADMISSION

CCA/DCA December exam turin Free Admission hawn mek a ni leh ta e. . . Free Study Materials.
Free PC Hardware Maintenance & Windows/Software Installation.
Mon - Fri Class kal hman lo tan Saturday-ah Class a kal theih baw e.
Class timing 7:00am - 6:00pm (Mon-Fri)
HI-TECH INSTITUTE OF COMPUTER
Zarkawt (Near Traffic Point) &
Ramhlun North (Industry peng. Opp. Traffic point)
9862343182 / 9089612701(WhatsApp/Call)

VINCO ENTERPRISE
Hunthar veng, Aizawl Ph-8837293876/ 8974843225

Insakna Bungrua Rod (Durgapur Rod, X-tech leh Tata Tiscon)
Cement, Balu Brick leh AAC te hi AMC Area ah kan Free Deliver thei e.

Durgapur Rod(Platinum)		X-tech	
20mm	1650/1600	20mm	1840
16mm	940	16mm	1140
12mm	550	12mm	660
10mm	350	10mm	445
8mm	250	8mm	300

**GOV'T. APPROVED
COMPUTER INSTITUTION**

**MERGE
COMPUTER
CENTRE**

- Free Admisaion
- Free Access Website content
- Free Basic Typing Course

- Provide Theory Video Tutorial
- Scholarship for DCA 2 Semester

COURSE OFFERED:

- DCA Semester I & II
- Computer Hardware

ADDRESS:

Near Chanmari YMA Hall, Chanmari,
Near MSB, Dawrpui Vengthar
Pi Pang Peng, Upper Republic.

**Examination & Certificate issued by
MSCTE, Govt. of Mizoram**

**CALL OR WHATSAPP
9862358347**

**More details & Online admission:
https://www.mergecomputercentre.org**

Published & edited by Eddie Lalfakzuala for and on behalf of Ramhlun North Branch YMA. Copies- 1,270